

आकाशवाणी

खास-खास खबरां:-

- प्रधानमंत्री नरेन्द्र मोदी होरें आखेया ऐ जे भारत कुल संसारी जक्को-तक्की दे बावजूद- विश्वास कन्नै तरक्की दी बता पर अगड़ा बदा करदा ऐ।
- बिहारल च अपने लीडर दा चुना करने लेई एन.डी.ए दे विधायकें दी कल्ल मीटिंग लग्गोग। नमां मंत्रीमंडल वीरवारें सगंध चुकोग।
- एन.आई.ए नै दिल्ली लाल किले कश होए दे धमाके आहले मामले च आतंकवादी दे इक होर साथी गी गिरफ्तार करी लैता ऐ।
- पर्यावरण मंत्री भूपेन्द्र यादव होरें आखेया ऐ जे भारत पेरिस समझौते दे लक्ष्यें गी हासल करने- सांझे जतनें दी जरूरतें पर जोर दिता ऐ।
- संयुक्त राष्ट्र सुरक्षा परिषद नै जंदी रातीं गाजा लेई अमरीका दी इक योजना गी मंजूरी देई दिती- जेहदे नै इलाके च सुरक्षा ते रमानदारी लेई बत पदरी होने दी मेद ऐ।
- भारती नशानेबाज गुरप्रीत सिंह नै ISSF राईफल ते पिस्टल विश्व चैम्पियनशिप च मर्दे दे 25 मीटर पिस्टल फायर मकाबले च चांदी दा तगमा हासल कीता ऐ।

<><><><><><>

PM - Goenka Lecture

प्रधानमंत्री नरेन्द्र मोदी हों आखेया ऐ जे भारत विकसित ते आत्मनिर्भर बनने दी तांहग रखदा ऐ। श्री मोदी हों नमीं दिल्ली च छेमे रामनाथ गोयनका व्याख्यान दौरान भाषण दिंदे होई आखेया जे- जेल्लै दुनिया दे कटर मुल्खे च अड़चना पौने दा डर बने दा ऐ- भारत पूरे विश्वास कन्नै उज्जवल भविक्ख आहली बता अगड़ा बदा करदा ऐ। मोदी हों आखेया जे 2022 बरे च यूरोपी मुल्खें च बने दे संकट करी कुल संसारी सप्लाई सरिस्ते ते ऊर्जा दे बजारें पर माढ़ा असर पेया हा ते समूलची दुनिया प्रभावित होई ही। एदे बावजूद भारत दी आर्थिक तरक्की च 2022-23 बरे च लगातार बाद्दा हुंदा रेया।

<><><><><><>

Bihar- BJP Leader

बिहार च भारतीय जनता पार्टी दे नमें चुने गेदे विधायकें दी अज्ज पटना च मीटिंग लग्गोग- जिस दौरान ओह अपने लीडर दा चुनाव करगंन। भारतीय जनता पार्टी नै हाल च होए दे बिहार असैम्बली दे चुनावं च नानुएं सीटां जित्तियां हियां। बिहार च भारतीय जनता पार्टी दे प्रदेश अध्यक्ष दिलीप जायसवाल हों आखेया जे पार्टी दे पर्यवेक्षक बी इस मीटिंग च शामिल होगंन। जनता दल यूनाईटेड दे विधायकें दी कल्ल पटना च मीटिंग लग्गोग- जिस दौरान ओबी अपने लीडर दा चुनाव करगंन। जे.डी.यू दे नमें चुने गेदे विधायकें दी पटना च कल्ल मीटिंग लग्गनी ही- उयां इस मीटिंग गी अगड़ा पाई दिता गया ऐ।

जे.डी.यू विधानमंडल पार्टी दी मीटिंग नमें सिरेया तैय होने करी- एन.डी.ए दे विधायकें दी अज्ज लग्गने आहली मीटिंग बी अगड़ी पेई सकदी ऐ। इस मीटिंग च एन.डी.ए दी विधानमंडली पार्टी दे लीडर दा चुनाव कीता जाना ऐ। नमें मंत्रीमंडल दी संगध चुकने आहला समारोह वीरवारें पटना दे गांधी मैदान च लग्गोग।

<><><><><><>

NIA Blast Case

राष्ट्रीय जांच एजेंसी एन.आई.ए नै दिल्ली दे लाल किले कश होए दे कार धमाके आहले मामले च शामिल आतंकवादी दे इक होर सहयोगी गी गिरफ्तार कीता ऐ। कश्मीर दे रौहने आहले इस आदमी दा नां जासिर बिलाल वानी ऐ- जिसी श्रीनगर थमां गिरफ्तार कीता गया ऐ। एजेंसी मुजब वानी नै कथित तौरा पर इस आतंकी हमले गी अंजाम देने लेई तकनीकी सहायता प्रदान कीती ही। इस हमले च 10 जनें दी मौत होई गई ही ते 25 दुए घायल होए हे। एन.आई.ए नै खलासा कीता ऐ जे वानी नै धमाके कोला पैहले ड्रोंने च केंई चाली दे बदलाव कीते ते कन्नै राकेट बनाने दी बी कोशश कीती ही। एन.आई.ए साजश दे पिच्छे दा पता लाने लेई बक्ख-बक्ख पैहलुएं दी जांच करै करदी ऐ। आतंकवाद रोधी एजेंसी दियां केंई टीमां- आतंकी हमले च शामिल सब्भनें दी पंछान करने लेई बक्ख-बक्ख राज्यें च तुपाई अभियान ते छापेमारी बी करै करदी ऐ।

<><><><><><>

Yadav -Environment

केन्द्री पर्यावरण मंत्री भूपेन्द्र यादव होरें पेरिस समझौते दे लक्ष्ये गी हासल करने लेई सब्भनें मुख्ये आसेया किट्ठै रलियै सांझै जतनें दी जरुरतै पर जोर दिता ऐ। उनें CoP-13 दे फैसलें दी अमलावरी ते वायदें गी पूरा करने दा चेता नोआंदे होई सब्भनें गी इक सांझी जिम्मेदारी समझियै कम्म करने दा आहवान कीता। उनें विकसित मुख्ये कोला मती जलवायु महत्वाकांक्षा दस्सने ते अपनी प्रतिबद्धता दा सम्मान करने दा आग्रह कीता। यादव होरें आखेया ऐ 2025 दे बाद थमां भारत दा कार्बन उत्सर्जन दी रफ्तार च 36 प्रतिशत कोला मती गिरावट आई ऐ ते राष्ट्रीय स्तरै पर तैय योगदान देसै दे 2030 दे लक्ष्य कोला 5 बरे पैहले गै भारत नै हासल करी दस्सेया ऐ-जेहदा मकसद एह होआ जे भारत पर्यावरण- प्रदूषण ते जलवायु परिवर्तन दी समस्या गी लेइयै किन्ना संजीदा ऐ। CoP -13 शिखर सम्मेलन दे बाहरे यादव होरें उद्योग-परिवर्तन लेई नेतृत्व समूह दे नेताएं कन्नै इक गोलमेज कांफ्रेस च बी हिस्सा लैता।

<><><><><><>

UN SC -Gaza

संयुक्त राष्ट्र सुरक्षा परिषद नै जंदी रातीं गाज़ा लेई अमरीका दी इक योजना गी मंजूरी देई दिती ऐ- जेहदे नै इलाके च सुरक्षा प्रदान करने लेई इक अंतराष्ट्रीय बल गी जिम्मेदारी दिती जाहग ते इक अजाद फिलिस्तीन मुख्य दे भविक्ख लेई बत पदरी होग। 13 सीफर कन्नै पास होए दे इस प्रस्ताव लेई होए दे मतदान च रुस ते चीन नै हिस्सा नैई लैता।

रुस नै एहदे मखालफ इक बक्खरा प्रस्ताव जमा कराय हा। एह मतदान युद्ध विराम ते इस्राइल ते हमास बश्कार दंडु बरे दी लड़ाई दे बाद गाजा दे भविक्ख लेई इक महत्वपूर्ण कदम ऐ।

<><><><><><>

EC –Spl Revision

चुनां कमीशन नै असाम च मतदाता सूचिये दा विशेष संशोधन करने दा आदेश दिता ऐ- एदे लेई पैहली जनवरी 2026 क्वालीफाई तरीक होग। असम दे मुख चुनां अधिकारी होरे गी लिखी दी इक्क चिट्ठी च कमीशन नै आखेया जे एकीकृत मसौदा मतदाता सूची दी छपाई दी तरीक अगले महीने दी 27 तरीक होग। दावे ते आपतियां दाखल करने दी अवधि 27 दिसम्बर 22 जनवरी 2026 दे बश्कार होग। 10 फरवरी 2026 गी मतदाता सूची दी खीरी छपाई दी तरीक होग।

<><><><><><>

LG -JK Devp

उपराज्यपाल मनोज सिन्हा होरे कल हरियाणा दे फरीदाबाद च होई दी Northern Zonal Council दी 32मीं बैठक च हिस्सा लैता। अपने सम्बोधन च उप-राज्यपाल होरे आखेया जे प्रधानमंत्री नरेन्द्र मोदी हुंदी अगुआई ते गृहमंत्री अमित शाह हुंदी दिक्ख-रिक्ख ते मार्ग-दर्शन च जम्मू-कश्मीर नै अगस्त 2019 मगरा विकास दे नमें आयाम हासिल कीते ते इत्थे सुरक्षा बवस्था बेहतर होई ऐ।

उपराज्यपाल होरें जम्मू-कश्मीर कन्ने सरबन्धी मामलें दे हल ते एदे पूरे-पराते विकास लेई मार्ग-दर्शन उपलब्ध करोआने आस्तै गृहमंत्री हुंदा धन्नवाद कीता। उनें आखेया जे दफा 370 दे खत्म होने मगरा जम्मू-कश्मीर च ऐतिहासिक बदलाव होआ ऐ- भामे ओह आर्थिक विकास होए- निवेश मुंडली स्तह पर लोकतंत्र गी मजबूती देना होए- युवाएं लेई बेहतर मौके होने ते महिला सशक्तिकरण सनें सुरक्षा हालात च बेहतरी आई ऐ।

<><><><><><>

IMD Weather

भारत दे मौसम सरबन्धी मैहकमै नै अज्ज मध्य-प्रदेश- पूर्वी राजस्थान- छत्तीसगढ़- माठवाड़ा-तेलंगाना- मध्य-महाराष्ट्र ते विदर्भ च सीत लैहर चलने दी पेशनगोई कीती ऐ। मैहकमे नै आंध्र-प्रदेश- केरल- तमिनाडू- पुडुचेरी ते कराइकल च टांवी-टांवी थाहरें भारी बरखा पौने दी बी पेशनगोई कीती ऐ। अंडेमान ते निकोबार टापू च अगले दंऊ-त्रै रोज गरजियै फंडा पौने ते बिजली चमकने दा अनुमान ऐ। तोंआई दिल्ली -एन.सी.आर. च हवा दी गुणवत्ता लगातार बड़ी माढी श्रेणी दी बनी दी ऐ। हवा दी गुणवत्ता सरबन्धी सूचकांक AQI अज्ज बड्डलै सत्त बजे 341 रिकार्ड कीता गया ऐ।

<><><><><><>

Shooting

मिस्र दी राजधानी काहिरा च ISSF राईफल पिस्टल विश्व कप चैम्पियनशिप च भारत दे गुरप्रीत सिंह नै मर्दे दी 25 मीटर सेंटर पिस्टल फायर मकाबले च चांदी दा तगमा जितेया ऐ। विश्व चैम्पियनशिप च गुरप्रीत सिंह दा एह दुआ व्यक्तिगत मैडल ऐ। उन्नै 2018 च चांगवान च 25 मीटर स्टैंडर्ड पिस्टल मकाबले च पैहली बारी चांदी दा तगमा जितेया हा। भारत कुल 13 तगमें कन्नै विश्व चैम्पियनशिप अभियान च त्रीए नम्बरे पर रेहा। उन्नै त्रै सुन्ने दे- 6 चांदी दे ते 4 कैह दे तगमे हासल कीते। चीन पैहली ते कोरिया दुई थाहरे पर रेहा।

<><><><><><>